



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DCXLIX. ad annum DCLXXVI.

Parisiis, 1644

Concilium Avgvstodvnense Sancti Leodegarii Avgvstodvnae Civitatis
Episcopi, Circa Annvm Christi DCLXX. Adeodati papae II. Theodorici regis
IV.

urn:nbn:de:hbz:466:1-15300

ANNO
CHRISTI
670.

CONCILIVM AVGVSTODVNENSE
SANCTI LEODEGARII AVGVSTODVNÆ
CIVITATIS EPISCOPI, CIRCA ANNUM CHRISTI DCLXX.

Adeodati papæ II. Theodorici regis IV.

IN antiquissima collectione Canonum, e bibliotheca ecclesiæ Andegauensis, producuntur titulo XLIV. qui est de monachis & monasteriis, Canones aliquot ex hac Synodo, qui omnes ad disciplinam monasticam spectant, inscribunturque Canones Augustodunenses S. Leodegarii episcopi. Neque tamen vniuersi eo loco describuntur, sed quibusdam prætermisiss, hi dumtaxat qui sequuntur.

CANONES AVGVSTODVNENSES
S. LEODEGARII EPISCOPI.

I.

Primus titulus hic est monasticæ disciplinæ, vt abbates vel monachi peculiare non habeant; & monachi ab abbate victum & vestitum consuetum accipiant.

V.

Vt compadres nullus eorum audeat habere.

Iuo part. 7.
cap. 100.

VI.

Vt in ciuitatibus errare non inueniantur. Quod si causa vtilitatis monasterii, cum literis abbatis sui ad archidiaconum ciuitatis scriptis dirigantur.

VIII.

Vt abbati suo ac præposito sint obedientes.

X.

Vt nullus familiaritates extraneorum mulierum præsumat habere; & qui inuentus fuerit, seuerius corrigatur. Vt mulieribus in monasterium monachorum nullatenus ingredi liceat.

Statuimus atque decernimus, vt nullus monachum alterius absque permisso sui abbatis præsumat

Concil. Tom. 15.

Rrr

retinere: sed cum inuentus fuerit vagans, ad cellam propriam reuocetur, ibi iuxta culparum merita coercendus.

X V.

De abbatibus vero vel monachis ita obseruare conuenit, vt quidquid canonicus ordo vel regula S. Benedicti edocet, & implere & custodire in omnibus debeant. Si enim hæc omnia fuerint legitime apud abbates vel monasteria conseruata, & numerus monachorū Deo propitio augebitur, & mundus omnis per eorum orationes assiduas malis carebit contagiis.

Sint monachi omnes omnino obedientes, sint frugalitatis decore pollentes, in opere Dei feruentes, orationi instantes, in caritate perseuerantes: ne propter negligentiam, aut inobedientiam, hoste circumeunte ac rugiente & quærente quem deuoret, cibus efficiantur. Sit eis cor vnum, & anima vna. Nemo suum aliquid esse dicat, sed sint eis omnia communia. In commune laborent, hospitalitatis omnino sint receptores.

Quisquis autem hæc a nobis Deo præcipiente dictata in confirmationē regularem monachorum tentauerit aliqua transgressione cassare, si abbas est, anno vno ei communionis potestas suspendatur; si præpositus, annos duos; si monachus, aut fustibus verberetur, aut a communionē, & Missa, & caritate, annos tres suspendatur. Iustum enim est, vt subripiencia vitiorum semina falce iustitiæ resecentur; ne dum simulatione continentia nutriuntur, ita siluescant, vt nec securibus excidantur.

Ad Augustodunensem præterea S. Leodegarii Synodum referendus videtur Canon, qui in altera collectione Canonum e bibliotheca S. Benigni Diuionensis, atque in aliis citatur, appellaturque primus Canon Augustodunensis his verbis:

CANON.

ANNO
CHRISTI
670.

Si quis presbyter, diaconus, subdiaconus, vel clericus, symbolū, quod inspirante S. Spiritu apostoli tradiderunt, & fidem S. Athanasii præsulis irreprehensibiliter non recensuerit, ab episcopo condemnetur.

NOTA IACOBI SIRMONDI
SOCIETATIS IESV.

ⁱ *Concilium Augustodunense.*] In codice Bonæuallis, itemque in Andegauenſi, Diuionenſi & aliis, qui elenchos exhibent episcoporum, quot numero in singulis Synodis fuerint, & Canones ediderint, postremo loco hæc leguntur: *Consensus domni Leodegarii episcopi Augustodunensis. Ego Leodegarius, ac si peccator episcopus, cum consensu fratrum meorum polliciti sumus, & perpetualiter placuit obseruandum. Quæ subscriptio videri potest ad Concilium hoc nostrum pertinere.*



ANNO
CHRISTI
673.

CONCILIVM HERVDFORDIÆ

CELEBRATVM XXIV. DIE MENSIS SEPTEMBRIS, anno Christi DCLXXIII. indictione prima, & sub initio primi anni Lotharii regis Cantii, præſidente Theodoro Cantuariæ, alias Doroberniæ archiepiscopo:

*In quo ea quæ a patribus transmarinis canonice sunt antiquitus decreta, custodienda hic ab Anglis decernuntur:
decem vero præcipue.*

ANNO tertio regis Egfridi Theodorus cogit Concilium episcoporum, vna cum eis qui canonica patrum statuta diligenter & nossent, magistris ecclesiæ pluribus. Quibus pariter congregatis, diligenter ea quæ vnitati pacis ecclesiasticæ congruerent, eo quo pontificem decebat animo, cœpit obseruanda docere. Cuius synodicæ actionis huiusmodi textus est.

Bed. lib. 4.
cap. 5.

In nomine Domini Dei & saluatoris nostri Iesu Christi, regnante in perpetuum ac gubernante ecclesiam suam eodem Domino nostro Iesu Christo, placuit conuenire nos, iuxta morem Canonum venerabilium tractaturos de necessariis ecclesiæ negotiis. Conuenimus autem die XXIV. mensis Septembris, indictione prima, in loco qui dicitur Herudford. Ego quidem Theodorus, quamuis indignus,

Concil. Tom. 15.

Rrr ij